

楊忠愍公全集

楊忠愍公全集卷之三

蕭山毛大可先生鑒定 後學章鉅梅谿重訂

詩

節母貞女詩并序

節母楊侍御匪石夫人  
祖母貞女其祖姑也

世之論者皆以天下國家之責屬諸君子之身婦

女若無所與焉者及觀斯傳然後知責之在君子

者雖婦女亦足以盡之故張母之不忍忘其夫而

守節終身張女之不忍棄其嫂而相從不嫁以至

於死凡以各盡其心焉耳然而邦之風化世之氣

運時之禎祥恒必因之則其所係也不亦大乎謂  
之無與於天下國家不可也夫姑感嫂節而貞志  
以決嫂爲姑貞而節之守也益固相觀而善夫固  
如此苟事君者能如母之不忘其夫則天下皆忠

快論

臣矣與人者能如姑之不棄其嫂則天下皆義士  
矣忠臣義士遍於天下太和將在宇宙間矣則其  
所係也不爲尤大乎此又係於觀感者何如耳誠  
願與君子共勉焉噫世之號爲大丈夫者顧豈可  
自喪其志自虧其節反婦女之不若也乎哉謹成

小律聊以表厥行而樹之風聲若夫書之以詔後  
世則有太史公在

母爲姑存身未死姑因嫂節老空樓萱階花泣百年  
淚漆室人含萬古愁寂寂風侵機杼冷陰陰月暗鏡  
臺秋從來多少冠裳客曾似沂陽婦女否

送劉蘇涯鄉兄考績北上

春樹蒼蒼春浦晴紅亭黯黯送霓旌留連鳥語憐人

別荏苒楊花共酒傾桃塢雨餘香氣合錦江潮盡浪

痕明烟浮曉巘巘崑崙碧霞逐征帆縹緲輕牛渚曲通

○望○青○荔○心○爛○若○垂○雲○錦○

○以○少○陵○之○情○抒○嘉○州○之○藻○一○

瀛海澤。緱峯迥。倚秣陵城。月高鷗在鏡中宿。溪漲檣  
疑天際行。牛野分星驚太史。燕雲如幕覆神京。楓宸  
報政恩波潤。椿座稱觴彩袖輕。知已漸隨流水遠。離  
愁端與削山平。○七○辨○唐○人○所○少○不○謂○真○卿○秀○實○集○  
旅病偏因歸客劇。夢思祇爲故鄉生。送君惟有東風  
淚。點點沾巾無限情。

送萬楓潭少參山東

二月江南氣尙寒。石頭城外水漫漫。雲連削壁干屏  
合。日映離觴兩鑑看。近渚晴花香細細。傍人風柳絮

團團聖朝此際求賢切補牘還思舊諫官

挽任侍御乃尊 二首 四川巴縣人

巴國指南思定祖九真遺澤長孫留琴臺蘇合乾坤

老篆水烟橫天地秋寂寂寒雲覆隴樹淒淒疎雨暗

江樓欲知身後流芳遠今日龍池有豸頭

生荔廬外悲風鳴一曲哀吟萬古情五友亭閒山樹

暗三槐堂寂月華明巴人淚落嘉陵水澄野歌連上

蔡城海內知公身不死南臺伯雨振家聲

揚子江望焦山 題金山寺壁原集未載今補刻

楊子有心涉揚子。椒山無意合焦山。地靈人傑天然巧。彷彿神遊太古間。

送史沱村考績 三首

十月征車辭建業。三山霜葉照離杯。晴烟千里孤城暮。寒雁三聲萬壑哀。水國暮雲連渭樹。郎官前宿近

中台。阿戎詩禮趨庭後。爲道雷門指日開。

○乃耶嘗從講畢子業故云

一上離亭幾度愁。十年塵夢歎沉浮。悠悠月笛山城夕。漠漠寒雲江樹秋。作客南來俱萬里。送君北去獨孤舟。他鄉正有思歸興。况復征旌出石頭。

官閣不傳遷轉報。紅亭厭詠送君詩。昔乘驄老人猶  
識舊泣珠。還今始知征雁迴。隨雲樹沒德星暗。逐使  
旌移彤庭久。惜南遷客共聽絲綸出鳳池。

送大宗伯兩洲王公考績二首

台斗光芒臨紫極。東風行色動江干。春歸吳苑晴花  
合。天入燕雲曉旆寒。禮樂百年開萬國。星辰八座肅  
干官。彤庭舊識尙書履。天下蒼生屬謝安。

風送老鷲啼禁樹。春隨紅旆過江干。文昌夜度三台  
近。玉劍晴浮五月寒。一代雲龍虛鼎席。百年禮樂屬



春官相逢若問留。臺客爲道歸思髩已殘。

代韓苑翁大司馬作

壽太常汪春谷母七十

南極星臨衡岳動。北堂萱映瀟湘明。漢宮瑤軸封仙  
檢。塗水梅花照楚城。海日蟠桃開壽域。天風青鳥下  
蓬瀛。金陵江夏隔千里。西望白雲無限情。

送狄道訓導李南峯掌教清水

七載青氊多士服。九重紫詔五雲開。熙城桃李含春  
雨。渭水魚龍驚夜雷。悵望德星辭壁野。相思明月照  
秦臺。絃歌漫奏別離調。衰柳西風無限哀。

同門生五十人游臥龍山寺

出門已覺精神爽○意興超然○况復陽回宇宙清野樹含烟迷寺

迴晴山披雪倚雲明

風送榆錢入戶

三月不知春色暮重門深鎖貫城寒東風錯認王侯

院悞送飛錢落枕單

聞築外城二首

萬里河山俱帝業如何謀計只神京○備○藉○邊自是千年

計塞外誰人築五城

病急須從標上治。如何緩處用工夫。庸醫費盡篋中藥。待得良醫藥有無。

和商中丞獄中生瓜 二首

天意昭殊節。狂庭產異瓜。可憐成落寞。徒自吐英華。  
疎蔓牽瑤草。幽香雜瑞花。蒼生懸望切。何事思烟霞。  
久獄半爲家。真同故里瓜。行藏俱夢幻。閨寂亦繁華。  
天遺東陵種。雲封西域花。機心久已息。卽此是烟霞。

和商中丞朱葵 三首

寂寂朱葵著意栽。相投情景自徘徊。每因擎露含珠。

泣○恐○誤○傾○陽○帶○曉○開○疎○影○風○移○搖○夜○月○晴○烟○雲○擁○覆○  
西○臺○幽○香○暗○度○重○華○殿○時○有○游○蜂○送○雨○來○  
得○意○葵○花○斬○草○栽○暫○時○相○對○且○徘○徊○百○年○殊○色○因○誰○  
瘦○萬○古○丹○心○向○日○開○不○共○羣○芳○發○上○苑○却○憐○異○種○出○  
燕○臺○老○天○似○惜○傾○誠○苦○欲○借○天○桃○雨○露○來○  
檢○點○紅○芳○荷○雨○裁○平○分○清○景○共○徘○徊○醉○傾○晴○日○翻○翻○  
舞○笑○領○天○風○次○第○開○吟○席○珠○璣○超○翰○苑○德○星○芒○彩○動○  
天○臺○西○山○不○減○東○山○興○佳○事○還○隨○花○事○來○

夏午睡胡敬所年兄因見教作此和謝

三首

逐日課程惟有睡百年勲業本無心聖君賜我安閒地好做羲皇世上人

一息若存還報主各○有○時○會○萬年不死是吾心於今祇合昏昏

睡笑殺當時勲業人

疎懶百年還舊癖功名此日負初心本來面目頻頻照恐落寰中第二人

賀獄吏孫東渠母壽 并序

予以狂瞽被責下獄幾死者屢賴東渠子左右保護於其間其不屈權奸扶持善類迥出尋常萬萬

矣。乃堂家書來。又諭東渠。加意於子。中間辭語。有名公大人所不能道。予感其子之德。而嘉其母之賢也。仲秋十二日。適其母初度。因作拙律以贈之。觀者尙其諒予之心乎。

南極星輝萊彩動。北堂萱映海天明。百年花老秋風冷。千里雲孤暮樹平。赤圃生烟迴紫氣。青鸞傳詔下黃城。題詩增我斑裳恨。幾遍停思無限情。

送宋司獄致仕

名秀山東寧海州人

共說山中好甲子。百年林下見高人。醒初幻枕俱爲

司獄亦林下耶

夢歸去此身方屬君。昏夜法星辭帝座。秋風行色動  
乾坤。西臺多少含冤者。一聽離歌淚滿巾。

獄中紅苔

寒柝淒淒哀怨絕。陰雲黯黯鬱愁結。西風滿地苔痕  
紅。盡是涓囚冤淚血。

朝審途中口吟

風吹枷鎖滿城香。簇簇爭看員外郎。豈願同聲稱義  
士。○讀○之○淚○下○可憐長板見親王。聖明厚德如天地。廷尉稱平過  
漢唐。性癖從來歸視死。此身原自不隨楊。

讀易有感

眼○底○浮○雲○片○片○飛○吉○凶○消○長○只○幾○希○自○從○會○得○羲○皇○

易○始○覺○前○時○大○半○非○

九日崑峯賜飲擬和劉靜修先生九日九飲歌

韻體九首

一飲初歌第一歌乾坤萬物屬中和醉鄉能發天然

樂况復幽人情興多

二飲停杯歌二歌西風短髮任婆婆四時佳興俱堪

賞誰道當秋百感多





意笑爾高秋奈我何

八飲自驚飲量過疎狂成癖竟如何縱然痛飲珍珠  
酒却恐醉來語更多

九飲渾忘披翠蓑聖明恩厚復如何釀成四海合歡  
酒欲共蒼生同醉歌

題殘菊

萬樹紅芳帶露殘獨憐黃菊對霜看東君不與花爲  
主一任西風落砌寒

見山

四首

爲人題號

雲穿石榻丹書溼。亭枕泉崖白晝閒。樽酒相看渾不厭。知君原是見真山。

萬里風烟何日盡。百年宇宙幾人閒。春來應有桃千樹。休認天台作故山。

市朝自有武陵趣。一息無心一息閒。得意不須登華嶽。樽前卷石亦青山。

雲烟收盡酒卮閒。風靜一簾明月閒。不解紅塵尋遠壑。漫將詩思傍青山。

小雪

破窗不奈西風冷。况復蕭條一敝裘。疎雪飄殘憂國  
淚。寒更敲碎貫城愁。悲歌勞擾慚燕士。坐臥渾忘是  
楚囚。四海尋家何處是。此身死外更無求。

賞功喜作

踏○碎○塞○城○誰○問○罪○言者無罪深居台閣亦加封。聖明恩濶同天  
地。不論無功與有功。

雪晴

疎狂忘却一身憂。思入蒼生始解愁。萬事無成憐我  
拙。百年有恨倩誰收。每思北闕開宣室。羞對西風泣

楚囚且喜陰雲薄欲散依稀遙見鳳凰樓

夜感月有懷

鎖合西臺烟霧浮孤燈相對夜悠悠○有○氣○格○寒欺草榻涼如

洗風捲星河動欲流報主獨憐成孟浪○孟○浪○同○游○對○仗○最○妙○論交誰復憶

同游相知舊月情如許猶自偷穿入鳳樓

寒夜和敬所韻

乾坤一草閣宇宙半胸襟宿雨千年淚明霞萬古心  
疎燈暗客夢佳興帶愁吟肌骨渾如鐵寒威任爾侵

觀新曆

鳳曆初看小雪時。百年甲子只須與。回頭往事渾如  
夢。識破塵寰半局棋。

大風中鳳洲年兄賜顧言及先寄詩扇未到

陰陰朔氣滿皇州。烈烈悲風暗鳳樓。吹合凍雲寒欲  
雪。蹴低霜幹鳥應愁。百年執法歸廷尉。四海何人憐  
楚囚。徐及寄扇迺造蒲葵珠玉莫空投。

送張觀海分教偃城十韻 并跋

相知每恨未相識。聞說遠遊情更親。曉日初分温室  
樹。交風先度偃城闈。稀微殘月明霜劍。密冪孤烟逐

晚塵野鳥迴隨征旆○氣○疏○情○密○詞○調○并○暢○千○秋○傑○作○沒客袍猶帶曙光新東觀海氣

冲晴漢南望嵩雲接紫宸○對○仗○推○挽○入○化○避俗祇應求吏隱此行原

不為家貧河陽桃李蓓蕾合洛渚魚龍變化馴瓊榻

漫勞悲冷局清朝亦自重儒臣心旌搖落懸雙淚守

拙支離愧一身○痛○心○語○指○出○頭○解○君愛寒官儂愛死古來天地幾癡人

夫人有終日相處志或落落難合終身不相識亦

有意氣相孚若素交然者蓋趨向之同與不同故

耳觀海張子予雖未知其為何如人然自予下獄

素相與者○三○層○自○所○不○免○或遠避以示其疎詆排以忌其狂間有

下石肆毒以取悅邀功於權奸之門者觀海乃通

問不絕奔走不逮主張於公議羣聚談論之間雖

○真○是○難○得○

時俗輩惕以重禍不恤也視素交者為何如哉今

之任偃城訓導予感其相知之深而悲其相違之

遠也遂為詩以贈之噫天不以科第與豪傑俾得

行其志乃濫及予等鬪茸者流不使正人君子相

與以共濟王事固隔絕阻抑之俾離其羣而索其

居良可悲矣然相知以心而不以迹各盡其心以

求自靖雖終身不相見可也否則此言之贈祇貽

○妙○在○仍○未○相○見○



○此○轉○更○深○覺○生○平○意○氣○毫○不○妄○發○  
泛交之譏今日相知之義將不爲他日相見之羞  
乎言至於此又不覺其發狂矣

劉司獄考滿索詩口占以贈之

報最歸來寵命新聞君何以答楓宸聞中檢點案頭  
簿三載平反多少人

反平聲

至日早醒偶成

夢裡忽聞長樂鐘自驚誤却上新封覺來月照西牕  
白寂寂柝聲雜曉春

族兄東城親家鶴峯獄中賜顧同宿二夜感作

寒燈高照影參差。樽酒長吟慰夢思。十載交游仍倚玉。百年骨肉更相知。追談雲雨如前日。品第親朋異昔時。明月不嫌草榻冷。徘徊照我去遲遲。

因冷感興

風滿孤城淚滿巾。高寒偏傍薄衣人。晴烟亦逐陰雲

起○得○岸○然○

冷。詩思應隨白髮新。歸去此身方屬我。愁來何事最

傷神。邊陲戎馬中原盜。惆悵羞稱自靖臣。

自○下○哀○安○之○淚○

哀商中丞少峯和徐龍灣韻 四首

憂時分外闔。何事困西臺。君為河山死。誰悲梁木摧。

法星仍近月。此日獨憐才。魂魄心猶壯。奸諛骨已灰。  
彝夏欲交驩。書生虛將壇。可憐當日獄。乃爾借星冠。  
白晝燕山暮。紅雲渭水寒。他年麟閣上。遺像許誰看。  
燕囚羞對泣。梁獄共蕭騷。功業半塵土。秋風一羽毛。  
雲連寇老竹。星暗呂虔刀。遙憶瀟湘水。悠悠咽楚濠。  
吁嗟成永隔。生死相關氣。節雲霄上。勳名宇宙間。  
孤魂憂國淚。萬古鎖愁顏。口運將衰絕。燕然未許攀。

微雪有感

都城夜半初飛雪。臺省應多祥瑞詩。眼底餓夫寒欲

死來年總稔濟誰饑

五歲兒入視遣歸不去同宿數夜有感

良·知·好·向·孩·提·看·天·下·無·如·父·子·親·我·有·乾·坤·大·父·  
母·孝·情·不·似·爾·情·真·

小兒索余畫騎馬官因索詩隨吟父子問答口

號

我·已·因·官·累·爾·何·又·愛·官·街·前·騎·馬·者·轟·烈·萬·人·看·

懷鶴峯東城因寄

二首

屋·梁·落·月·應·懷·我·春·草·池·塘·更·夢·誰·記·得·別·時·懸·淚·

眼。佯。爲。笑。語。怕。相。思。

久。惜。離。羣。恨。見。遲。誰。知。相。見。倍。相。思。從。今。憶。弟。休。憐。

弟。又。恐。別。時。勝。此。時。

聞。有。送。贈。與。中。官。方。士。而。起。用。者。因。遣。祈。雪。祇。

風。不。應。二。首

再。入。天。台。雲。浦。開。金。丹。一。粒。脫。凡。胎。逼。人。嵐。氣。浮。眉。

字。聞。自。神。仙。洞。裏。來。

風。捲。寒。雲。落。照。斜。郊。原。無。日。不。飛。沙。可。憐。萬。里。瓊。瑤。

雪。化。作。銀。杯。散。宦。家。

元旦

老天留我報君身。惆悵蹉跎又一春。幾度丹心連血  
嘔。數莖白髮帶愁新。回思往事真堪笑。自幸更生似  
有神。璞在不妨仍泣獻。脚躡無計達楓宸。

○情○尚○未○已○

元旦獄中自製素紙燈籠獄卒以無文彩索詩

賦此 二首

風蹴水晶碎。綵重珠翠浮。何如皎皎月。是我大燈毬。  
有月何須燭。無雲不怕風。借誰竿百尺。光照九天中。

和鳳洲王年兄詩韻

未酬拚死恨。虛負再生身。和淚原非假。詒書太任真。

寒收燕谷夕。烟鎖漢宮春。擾擾欲投石。君何相問頻。

風。立春和平山韻

殘雪禁春亦不遲。晴烟送煖入簾幃。香飛別院梅初

發。影過新痕日漸移。風捲寒雲山曝晝。晴歸庭樹鳥

吟詩。年來疎懶澁佳句。欲報瓊瑤媿項斯。

送徐龍灣審錄江南

寥落雲司庭半虛。有功此去更何如。西臺月下幽人

榻。南國星隨使者車。寒雁不堪雲暝夕。秋風况是葉

○正○嘉○格○律○

飛初秣陵若遇相知問爲道疎狂病未除

送李東明審錄北直隸

悵望霓旌拂曙暉。嗟君此去故人稀。  
南山判草更誰易。北極恩光伴爾歸。  
晚樹喜承新雨露。春風醉舞舊斑衣。  
漢廷此日須元禮。早促仙舟赴帝闈。

苦冷 三首

凍日摧寒色。狂風送冷塵。  
慢愁衣服薄。眼底是陽春。  
彤雲迷白晝。涼落暗風塵。  
宇宙誰知己。圍城別有春。  
寂寂門常掩。素衣無緇塵。  
誰吹鄒子律。寒谷欲回春。



有感

短髮婆娑烏布巾。分明天地一狂人。憂時淚應笙歌落。報主心希宇宙新。□□共傳知有我。孤危不死豈無神。寥寥勳業將蓬髻。虛負當年獻納臣。

和趙兵馬海壑韻

殘魂零落又經年。盡日悽然掩淚眠。啼鳥似憐人寂寂。空樓獨對月娟娟。死生浪寄乾坤外。勳業虛思泰嶽巔。還草萬言書欲上。踟躕何處是堯天。

題郭劍泉歲寒松栢卷

并跋

君○去○霜○臺○無○御○史○君○來○秋○省○有○刑○官○百○年○節○操○惟○松○  
疾○風○勁○草○並○見○言○下○  
栢○休○負○當○時○舊○歲○寒○

松栢雖歲寒不彫然色視春夏則少異矣及至春

夏欣然蒼翠若與桃李爭芬芳者視歲寒時又異

焉不知歲寒之色爲本色耶春夏之色爲本色耶

則松栢者固隨時異矣然則吾人之操當出乎松

先○生○之○操○豈○松○栢○可○比○

栢之上可也劍泉山立之操故常變合一松栢惡

草足以擬之耶

送張對溪之任廬州

我期元素回天力何事赤符此日行幾度爲親焚諫  
草百僚忌爾著時名鷲啼晴樹秦烟暮旌拂廬雲曙  
色明若遇超然同志間爲言終不負平生

次梅軒韻

有以夾竹桃花餽予者  
梅軒詩贈隨吟謝之

一點丹心一點忠竹桃難入萬花叢年來不見青松  
友獨喜晴梅相映紅

陳平山鵲噪詩以此答之

惡事先傳應早避○薑○桂○之○性○自○爾○不○同○喜來不報亦何傷平生最愛鴉聲  
好野鵲毋勞噪夕陽

又屢示災變塞口不言少見祥瑞上表爭賀鵲之類也有愧老鵲多矣

好音惟恐隔深樹一聽惡聲共彈羅啼鳥亦知隨世

變世○上○自○多○響○人○鵲鳴何少鵲何多

因前作諭鵲鵲二首

宇宙到頭俱夢幻生人何必歎雲泥又○一○層○意○疎狂見慣榮枯

事鵲鵲從今俱慢啼

可厭老鵲常折翅好○惡○同○歸○於○盡○依人喜鵲亦空啼長安公子多飛

彈且向雲山深樹棲

苦陰雨

雲黯黯兮鬱愁結。雷隱隱兮哀怨絕。雨潛潛兮血淚  
下。水泠泠兮悲聲咽。鳥亂啼兮憐人苦。花零落兮誰  
是主。欲入深兮無永穴。欲高飛兮無翰羽。捫胸問心  
心轉迷。仰而呼天天不語。混宇宙兮不分。藹烟霧兮  
氤氳。西風起兮天霽。掛遠樹兮夕曛。聚還散兮暮雲  
平。晦復明兮日初晴。何時回怒兮天王聖明。

題梅軒號

江南有梅不見雪。冀北雪多梅花稀。惟有中川風土  
好。梅花雪花相映暉。孤根深托雲石裏。天與清香豈

偶爾不向春光藉。豔陽寧隨上苑爭。桃李老幹雪鋪  
翻助清。層冰萬丈影涵明。幽姿皎皎塵埃絕。琴瑟逼  
人冷氣生。萬樹叢中呈淡粧。百花頭上吐寒芳。脩然  
遠嶠輕風起。吹落乾坤草木香。一枝潔素羞粉白。娟  
娟月姬著新裳。一枝黃萼梁園發。攢金綴粟色微茫。  
一枝朱英丹換骨。錯認天桃帶淺霜。一枝紫蕤蕾初  
破。曉霞飛落緋衣傍。一枝同心並頭開。晴沙酣睡雙  
鴛鴦。疎影籠月瘦骨插天勁。梢穿石枯隙藏烟。鶯蝶  
不相識。風雨更翩妍。冰葩凍蒂應難落。一任淒涼羗

一○段○饒○有○賦○情○鐵○石○人○亦○復○懶○娟○乃○蘇○

管弄前川。古瘦清香。原太始。品題羣花更無比。一段  
幽閒。惟自知。豈容凡眼窺紅紫。羨君孤梗迥絕俗。梅  
花如人人如玉。得意移來軒後栽。松竹交映。愜衷曲。  
樽酒相看花解語。似促早上金門去。商家正須和羹  
材。休爲花神滯野墅。花落結實調鼎春。烹來端可薦  
楓宸。惟願分種千萬山。以解蒼生萬斛之渴塵。

臨刑詩 二首

二詩當與文山衣帶贊並看

浩氣還太虛。丹心照萬古。生前未了事。留與後人補。  
天王自聖明。制度高千古。平生未報恩。留作忠魂補。

附

贈楊公臨刑詩 二首 補刻

其一

吳國倫

食祿分憂士。憐君獨處難。囊頭追孟博。斷舌繼常山。  
雪映心猶赤。風吹骨愈香。傷心千古恨。揮淚灑斜陽。

其二 次前韻

王遴

仗節多臣子。從容就死難。忠懷吞瀚海。義氣壓衡山。  
魂斷關河杳。名存草木香。丈夫無別淚。含笑赴雲陽。  
相傳贈詩最多聞。見之餘僅得二首。尙冀博覽君子惠頌壽世焉。



與謝朓同齊古詩草木香丈夫無思氣合笑賦雲

對前參用子公容無我藥忠對香餅新美險型憐山

其二 宋補註 魏王正發和

清輝也 賦衣風刈骨愈香對心千古壯壯我野松園

食類長憂士對昏際 賦 魏 孟 對 幽 香 歸 山

其一 吳園倫

清輝也 賦衣風刈骨愈香對心千古壯壯我野松園

其二 蘇修 了事留與後人

謝朓 賦衣風刈骨愈香對心千古壯壯我野松園

自著年譜

從李卓吾先生定本

予家原邊外小興州人。國初被邊患，徙入內地。遠祖之在小興州者，不可考。祖楊百源，徙保定府容城縣入樂安里籍，居城東北河照邨。世業耕讀。百源生述正，述正生進，進生俊，俊生青，青生富，富生子三人：長繼昌，卽予同母兄；次繼美，予庶兄；父妾陳氏所出。其三卽不肖也。母曹生子於正德十一年丙子歲五月十七日辰。丁丑年二歲，戊寅年三歲，己卯年四歲，俱在母乳抱狀，愈奇異，頭甚長且圓，大人皆以爲壽星。

頭

庚辰年五歲父妾陳有寵而妒遂各居產分爲三母

及兄與予得其一

家庭勃蹊之景歷歷

辛巳年六歲嫂惑於庶母兄惑於嫂兄與母又各居  
耕種之苦負戴之勞母及姊俱身任之時予亦嘗負  
一小束禾隨母姊同行見者爲之嘆息流涕

嘉靖改元壬午年七歲母得咳嗽勞疾七月六日捐  
館父攜庶母避之他所予惟哭泣日則諸姊引攜夜  
則隨兄同寢其狼狽孤苦良爲至極

癸未年八歲夏卽善牧牛。或宿於場園。或宿於瓜舖。至里塾見諸生揖容之美。吟誦之聲。心甚愛之。欲從讀書。兄曰。若年幼焉用此。予曰。年○慘○語○能○備○幼能牧牛。乃不能讀書耶。又告於父。始得從師。受書四五過。卽成誦。從學四五日。卽能對句。

甲申年九歲退學。供牧牛事。兄以牧牛失期。見責云。卽分居。汝當餓死矣。予曰。分亦何妨。兄乃分屋一間。米豆各數斗。驢一頭。子早起。自作飯食。畢則將米豆。上各畫字記之。將門封鎖。乘驢出牧。午間回亦如之。

鄉人俱爲流涕。兄佯爲不理。至四五日後。乃曰。我戲而勒之。分居。卽能料理家事。如此。於是又合居。冬十月。農事畢。從塾師肄業。日衣水布。故吳改衣。一聞

乙酉年十歲。從塾師學對句。輒善。一日客至。無酒。沽於館。父出對云。無酒是窮主。予卽對曰。有兒爲名臣。客歎賞不置。父由此鍾愛之。而庶母意亦稍稍斂矣。丙戌年十一歲。春沈師歸家。從族伯翔讀。恐誤學。乃脫牧牛事。九月。父得反胃病。召至家。日夜間安侍養。十月。母始葬。十一月八日。父捐館。時柩在堂。本縣拘

兄作收糧大戶。兄不得往。予遂代役。其收納記算。卯酉點查。俱不錯誤。真·經·濟

丁亥年十二歲。表兄王監生家寄食。從劉先生簡齋

學。

戊子年十三歲春。劉師辭歸。從邸先生諱宸。號南臺。

後登甲辰進士。復一日師出。同學作布陣相戰之戲。姓趙任南道御史。

師來。衆皆藏匿。師呼跪。出對云。藏形匿影。對成者先。

起。予隨云。顯姓揚名。師云。此絕對也。自此相愛之甚。

教以作文法。

己丑年十四歲從陰師學師諱從光號臨池縣庠生

與其子陰標號豫菴

後登辛丑進士

同筆硯發憤力學初若

漸進

庚寅辛卯壬辰年十五十六十七歲陰師棄學業專

肆力於置產講解之功日疎同游又皆富室子弟日

惟嬉戲紛擾學業無甚進兄促予別學予以無故不

忍辭壬辰庶兄故

癸巳年十八歲春府考送察院不中歸甚慙憤乃將

四書自讀看一過又別治禮記經亦麤讀看一過五

月府考取送察院獲充縣學生員與同庠王諱世雄  
號奕山共力親爨讀書於社學所居房三間前後無  
門○漢○儒○都○巷○不○及○此○又乏炭柴床席嘗起臥冰霜而寒苦極矣時同會  
者胡默齋九齡侯中城忠愛許龍川澄陰南峯邦彥  
并豫菴奕山也

甲午年十九歲春夏仍同奕山兄讀書社學秋本縣  
貢士李諱學詩號古城歸自太學設教寧國寺李端  
介有道之士教人不論貧富惟因材加厚予遂從學  
復治書經一見師便奇之出然非與題命爲文蓋寓



相傳之意也。予文甚為稱許。自是日日講究不懈。冬

十月娶胡邨張公諱杲次女為妻。先是鄉人見予學

頗進。富室多許妻以女。予曰。富室之幼女豈可處於

兄嫂之間耶。張予兄之叔丈也。家以耕織為業。行誼

為鄉里所重。又聞其女長而甚賢。與嫂既為姊妹。其

為妯娌。必和。遂娶之。娶之後。而妻之困苦殆不可言。

予時居僧人佛永房。予無僮僕。僧無徒眾。僧嘗念經

於外。予自操井竈之勞。秫稗五根剖開。可以熟飯。冬

自汲水。手與筒凍住。至房口呵化。開始作飯。夜嘗缺

孝友用心如此

傷心語

大識見

貧役有程矩

真水領

油○每○讀○書○月○下○夜○無○衾○腿○肚○常○凍○轉○起○而○遶○室○疾○走○  
○非○身○歷○那○曉○此○  
其○苦○蓋○難○言○萬○一○矣○

乙未年二十歲師教既勤予資性頗高而用力又銳  
一年之間學業遂成師曰我與汝今日爲師徒後年

可爲同年矣方期來年謝諸生與予同務舉子業焉  
○着○二○句○起○下○師○死○一○段○最○慘○

丙申年二十一歲新春師得癰瘕病予日侍湯藥百  
里之外請醫既無脚力且少盤費惟徒步忍餓潛行  
而已然師平日酒量甚大飲多痰盛竟不能起噫予

之心喪至今耿耿豈特三年哉是夏與庠友李鶴峯  
○聖○賢○心○事○

九臯及奕山會文於寧國寺上房陰雲樵養晦等會  
 文於五方邨關王廟七月間提學湖廣朱公兩崖歲  
 考優等補廩是秋文會散陰雲樵會長博學能文且  
 性甚剛介予慕其與已同也乃遂自運薪米往會於  
 渠鄉日夜共肄業於野園而學大進焉

丁酉年二十二歲春二月提學上元謝公與槐取考  
 科舉內二題偶記不真方憂其被責及發落則居第  
 二其稱許獎賞反倍於第一者批語內有學力才識  
 過人其就未可量之句郡縣自是有名秋試落第在

巨眼

於先師生友間可窺忠孝一班



而愈。是年傳染甚多。予親事三人而不染。

己亥年二十四歲時。二姪亦極思家。且供給不便。予乃築

草團瓢於西園肄業其中。

庚子年二十五歲。春提學寧夏黃公南渠考科舉。予

居第三。時兄與本邨富民訟於府。兄屈賄不勝。困於

獄。予曰。兄負屈如此。尙焉應試。爲卽往訴。撫按俱以

事小拒。予曰。詞訟只當論屈之大小。事之大小豈可

拘也。訟遂得白。赴試中第二十一名。主考童內方李

方泉。房考蒲田林瘦。泉諱成立。解元劉一麟也。冬十

二月長子生

二月十日癸午坐海京畿少膳補

辛丑年二十六歲會試落第歸仍肄業團瓢秋同年  
孫聯泉諸兄書約入監有告兄曰坐監歷事可三年  
而畢須費二百金兄曰若此則負累吾矣乃議析居  
不得已各居焉是冬入北監

壬寅年二十七歲在監春季考第一五月該撥部歷  
事因先有聯泉之約不可背乃給引回家九月長女  
生冬徙居於縣

癸卯年二十八歲春復居鄉一日子置酒要兄之外

父及諸親數人會飲。至半酣間，予起而言曰：「初，兄與子析居，謂予坐監費多，敗壞家事耳。今予坐監歸而農事所得更豐，今欲與兄復同居，何如？」諸親俱踊躍稱贊，以為田氏復生也。兄亦喜而允之。此意之舉，雖妻亦不知也。秋得會試盤費銀三十兩，與兄納為散官。

○令人感泣

○固宜如此

甲辰年二十九歲落第，復入監祭酒徐少湖公也。課予以文曰：「真奇才也。但少欠指引耳。」遂備束脩授業。乙巳年三十歲二月十九日，次子生在京從少湖師。

學

丙午年三十一歲二月長子殤從少湖師學

丁未年三十二歲會試中三十八名主考孫毅齋張

龍湖房考都給事中蒲田鄭于野公也殿試中二甲

第十一名未開榜先鄭于野兩次差人報予中第一

甲蓋大學士夏公以予策多傷時語遂不敢進呈觀

工部政六月選南京吏部驗封司主事七月歸家九

月買妾劉氏閏九月赴任十月到任考功司郎中鄭

公淡泉諱曉時稱冰鑑一見而奇之退謂諸僚曰此



○數○字○道○盡○

人○心○志○氣○節○事○業○將○來○未○可○言○也○遂○甚○相○愛○日○告○以○

居○官○守○身○之○道○與○夫○古○今○典○故○

高深之助

戊申年三十三歲本司郎中史沱邨陞予乃署司印

此司專管吏事弊端甚多予立為章程投到則嚴其

登籍先後則示略見經濟以定序點查則革其頂替考選則防

其代筆取撥則革其鬪弊凡已往弊端俱為之一洗

吏無不服堂上及諸僚俱稱賞焉是年專肆力於詩

文之學

己酉年三十四歲二月妾劉氏死三月二日三子生

是時關西韓公苑洛諱邦奇爲南京兵部尙書此翁  
善律呂皇極河洛天文地理兵陣之學而律呂爲精  
予師之先攻律呂之學三月而得其數乃告於師曰  
樂學非他學比不可徒事口說必自善制器自善作  
樂播之聲音各相和諧然後爲是遂自置斧鋸刀鑽

構桐竹易絲漆先自製管管和矣製琴琴和矣製瑟

瑟和矣製簫笙埙篪之類無不各和矣又合諸樂總

奏之如出一律無不和焉師甚喜曰我學五十年止

得其數今賴子製其器和其音當代之學舍子其誰

人語惟此節可疑韓先生先器俱與五音六

律七聲九聲十二聲之理相隔且其所謂和者大

歟一日師謂予曰吾欲汝製十二律之管每管各備

謬天下有徒器而能和者乎徒歌日琴徒器日步何以能和其製十二管九屬荒唐製管為律歷

五音七聲各成一調何如予有難色師曰固知此是

度量權衡之用從無以十二管和樂聲者嘗觀韓

難事古之伶倫無所因而作樂况今有度數可考乎

苑洛書仍是蔡元定律呂新書睡餘而可以言樂

予退而欲製漫無可據苦心思索廢寢食者三日忽

乎謬矣謬矣

夜夢大舜坐於堂上予拜之案上設金鐘一舜命予

曰此黃鐘也予可擊之取槌擊之三醒而恍若有悟

呼妻然燈取竹與鋸鑽至明而成管六至已而十二

管成呈於師師喜曰予刻志樂之日九鶴飛舞於庭

其應乃在子乎由是南都有知樂之名時翰林呂子

巾石福建監生吳憲江西教官黃積慶俱用心於樂  
然呂巾石知樂之理而自不解作樂終涉於渺茫吳  
監生麤知樂數而不足以語精微之蘊黃教官又執  
於三寸九分之管爲黃鍾迷而不悟可與言樂者鮮  
矣

庚戌年三十五歲春韓師致政歸謂予曰子之樂已  
八九子之才不止於樂可旁通濟世之學至於樂俟  
子退閒時一整頓足矣予遂大肆力於天文地理太  
乙壬奇兵陣之學時本部考功郎中何子吉陽殷子

白野張子龍山。余子九厓。楊子朋石。涂子任齋。劉子蘇涯。相與講論。予一一力行。吉陽謂人曰。椒山之果。誠可語進道矣。故予生死利害義利之關。見之甚明。皆講學之力也。秋。口犯京師。南都擬勤王。三日。無肯行者。諸公謂予曰。兄能為國一行乎。予曰。弟雖不才

先

○生○自○能○行○然君父之難。何敢辭也。既而口退議亦罷。十月考滿。本部考語云。器深而志遠。學懋而守嚴。儒行占其夙成。壯猷可以大受。末句蓋謂予。麤知兵。欲吏部用以治兵事也。自南之北。由山東路。乃特趨曲阜。謁孔顏

○大○專○

廟又枉道登泰山至極頂因題絕句云志欲小天下

此○真○有○

得○之○言○

特來登泰山仰觀絕頂上猶見白雲還末序云子讀

孟子書以為天下惟泰山為高也今陟其頂而觀之

聖○賢○俱○從○學○問○成○節○義○

則知所謂高者特高於地耳而山之上其高固無窮

故○履○危○不○變○豈○倖○成○者○輩○哉○

也予於是而悟學之無止法矣

辛亥年三十六歲正月為次男聘李鶴峯兄第五女

先是媒舉顯宦予曰彼富我貧素不相厚志不相孚

不敢許鶴峯者幼年同牕且剛直慷慨心志與已同

遂結親焉二月買妾槐氏赴京考滿投文日即陞兵

部車駕司員外予雖不才然素妄○真○心○事○以天下事為己任

况此時○患最急又官居兵部志欲身親兵事掃除

口○豈意一入兵部之後見其上下所行俱支吾常

套○明○代○積○習○不得著實幹事時有開馬市之議予曰馬市一開

天下事尚可為哉即欲疏陳其不可然方議遣予行

乃草開市稿候命下即上大意云馬市決不可開然

既已遣臣臣言其不可是避難也謹條陳開市五事

一欲俺答愛子入質二欲盡還擄去人口三欲別部

落入寇俱在俺答承管四欲平其馬價分為三等五

○此○五○事○精○於○前○疏○

欲整兵以備戰守。並用適一同僚見之。乃報本部尙書趙守朴。公諱錦。守朴曰。若此疏上。則馬市決不得開。乃別遣張主事才行。予遂上阻馬市之疏。皇上連三閱。卽敕曰。繼盛之言是也。下閣臣擬票。旨語

甚溫。而咸寧侯仇鸞有揭帖進上。乃下八臣會議。八臣者。大學士嚴嵩。李本。禮部尙書徐師階。兵部尙書趙錦。侍郎張時徹。聶豹。成國公朱希忠。并仇鸞也。此時鸞之寵勢甚盛。而諸老亦無有實心幹天下事者。皆欲苟安目前。共以爲馬市必可開。雖徐公亦中懾。



之不敢異會議本上遂下予錦衣獄撈一撈敲一百  
 敲夾一夾後命下降予陝西臨洮府狄道縣典史  
 未到狄道時其上司僚友俱以予為剛介性氣之士  
 各懷疑畏然予處上司僚友一如吏初選者數日後  
 各喜曰初以先生難處不意今乃平易守禮可親可  
 愛如此予曰素位而行君子之常居官如戲場時上  
 時下吾惟守分而已先是謫官多靜坐不理縣事縣  
 尹平定州李魚泉亦相愛不忍以瑣事相干予請曰  
 豈有日食祿而不事事者耶凡有可代勞者望不吝

○先○生○豈○能○靜○坐○者○耶○

差委於是始付以事予盡心爲之俱有條理而各上  
司因之亦以難事相委居月餘府縣學生員從學者  
五十人日相講論甚有趣味將門生贄禮并俸資所  
餘買東山超然臺此臺相傳以爲老子飛昇之所蓋

過函關西來所傳或不謬云乃於上蓋書院一區前

名教中樂地

三間爲揖見之所中五間爲講堂又後高處蓋殿三  
間爲道統祠上九位爲伏羲神農黃帝堯舜禹湯文  
武前側左爲周公右爲孔子兩壁側則顏曾思孟漢  
董仲舒隋王通唐韓愈宋周程張朱元許衡劉靜脩

明薛文清也。狄道多西番回子，俱習番經，不讀儒書。聘教讀二人於圓通寺設館，募番漢童生讀書者百餘人。至三月後，各生俱知揖讓敬長，上出入循禮。其資質可進者三十餘人，各父兄亦因而知道理，棄番教舉，忻忻然相謂曰：楊公來何遲也！又此處山木去城近，柴甚賤，邇來則去城幾二百里，柴漸貴而民病之。城西七十里有煤山一區，屢爲生番所阻，官府不能制。蓋番民利於賣木，煤開則失利。予往，卽開百姓○亦○一○居○官○經○便焉。城西一帶俱園圃種蔬菜，先年借洮水灌溉甚

○濟○事

有大利歲久淤塞園圃漸廢募各園戶疏通之而水利之盛倍於昔時狄道應徵糧草舊無官冊惟書手有簿相傳作弊甚大富者買減而貧者反增富者納輕而貧者反重予乃拘集書手在於一所先算各戶之總數次算一縣之總數比原額反多三十石蓋往時之飛詭俱查出是以多也將應徵輕重分爲三等而各戶之輕重均平無規避於其間者民間之地有糧重者白以與人亦不敢受予白之於府將前所餘糧不還之官妙用輕價買地二千畝地價不足則賣予所乘之馬

及所得俸錢并妻首飾也。諸生分種一千畝，有井田之餘意。其一千畝則佃種於人，將所收子粒則擇諸生中之老成者四人收掌。諸生之冠婚喪祭則量貧富補助，餘則候年荒各生分用。故此一事，百姓之糧草既均，而諸生養生之需亦足矣。俗好禮佛，近僧雖士夫不免予一禁之。舊習遂革，初時有稱不便者，後來始知惡僧而崇正矣。邊方愚民惟以織褐爲生，上司差來承差書吏或減價和買，或以雜物易換，雖撫按守巡亦多若此。然一褐之不得其價，則一家之不

得。其。養。故。有。號。泣。於。道。者。有。求。死。於。河。者。予。遂。出。告。  
示。禁。約。公。差。人。員。買。褐。蓋。陰。寓。各。上。司。之。發。價。府。縣。  
買。褐。也。無。何。巡。按。差。人。買。褐。予。收。其。牌。票。欲。爲。申。請。  
而。府。掌。印。官。相。講。乃。已。此。聲。一。聞。再。無。一。上。司。來。買。  
褐。百。姓。所。得。之。利。視。昔。年。加。倍。故。此。一。舉。亦。知。非。明。  
哲。之。爲。蓋。欲。爲。百。姓。興。利。除。害。雖。叢。怨。冒。罪。亦。有。所。  
不。暇。顧。云。邊。方。之。民。久。被。殘。虐。易。於。感。化。予。在。任。則。  
謳。歌。滿。道。去。任。則。哭。泣。而。送。於。百。里。之。外。者。千。餘。人。  
孔。子。所。謂。蠻。貊。之。邦。行。信。其。然。歟。

盛。世。有。此。事。

壬子年三十七歲四月得陞山東諸城知縣五月十  
一日得憑離狄道七月十二日到諸城任諸城濱海  
俗甚强悍予治事不數日民皆守法吏不敢奸八月  
初一日南京戶部雲南司主事之陞報至其興學校  
開荒田緝武備立保甲繕城池均田糧平徭役數事  
平日之欲爲而不得者方欲少效一二無何九月十  
七日憑至而止十月二十日到南京二十二日卽有  
北刑部湖廣司員外之報十一月初八日抵淮安又  
有調兵部武選司之報先是得刑部報卽圖歸家以

敕命事焚黃祭先父母期告病不出及得兵部報

則翻然思曰一歲四遷其官朝廷之恩厚矣尙何以

有身爲哉舟中秉燭靜坐至四鼓妻問其故予曰荷

國厚恩欲思捨身圖報無下手得力處妻曰奸臣嚴

閣老在位豈容直言報國耶當此之時只不做官可

也子聞其言乃知所以報國之本又思起南都日食

之變遂欲因元旦日食奏劾大學士嚴嵩稿成恐過

家則人事纏繞或不能元旦抵京乃由別路於十二

月十二日到京十八日到任



癸丑年三十八歲元旦。膳真本初二日。齋至端門。方  
 欲進。聞拏內靈臺官。知本意不合。即趨出。日快快不  
 懌。至十四日。乃齋戒沐浴三日。至十八日。本上二十  
 日。拏送鎮撫司打問。先搯到手。搯木繩俱斷。予曰。鬼  
 神在上。尚用刑哉。敲一百敲。問所以主使之。人予曰。  
 當此時之臣。奸邪大半。皆嵩心腹。此事固不可與之。  
○較○班○捷○骨○之○言○  
 議且盡忠在己。豈必待人主使。如有人敢主使。則彼  
○稍○紆○曲○然○更○明○快○  
 當自為之矣。又何必使人為哉。夾一夾。將脛骨又夾。  
 出問所以引用二王之故。予曰。奸臣之誤國。雖能欺

皇上必不能欺二王蓋二王年幼且未冊封奸賊

必不隄防避忌○苦○心○為○國○曲○盡○血○誠○然○罪○案○從○此○譬如人家家人作弊家長雖不知而

家長之子未必不知也○定○矣○滿朝皆嵩之奸黨孰敢言彼

之過 皇上常不與二王相見此奸賊所以敢放肆

無忌然止能瞞 皇上一人二王固知之真矣至親

莫若父子 皇上若問二王必肯言彼之過也問官

云若此豈敢回本又敲五十二敲夾一夾棍其問答

之辭甚多予始終不屈重打四十棍釘肘鐐送監至

二十二日奉 旨錦衣衛打一百棍四棍一換送刑

部從重議罪比依詐傳親王令旨律絞監候方子未

上本之前司中日相與議論者汪子少泉名宗伊湖廣人周

子松厓名冕四川人王子繼津名遴霸州人少泉則與謀議冒

功一節乃其所見松崖則與知而不見其稿繼津則

知其欲為而不知為何事上本後入部交牙牌辭僚

友衆方知予有此舉人○情○郊○此○各疾讐遠避而一二知己雖有

眷戀之情尙多畏縮之狀獨繼津則○丈○夫○何○可○及○肝膽相許若親

兄弟然予觀其義氣激發情愛懇至遂託云予二子

一女一子已聘有妻一子尙未聘一女尙未許人長

而娶嫁皆兄之事也。繼津遂面許云。此盡在弟。一小

女正與三令郎年歲相當。遂許焉。自子入獄。鎮撫司

刑部之保護。皆繼津也。其受打之先。王子西巖名之詰湖

廣人。送蝻蛇膽一塊。託校尉苗生者。齎酒一壺云。可以

服蝻蛇膽。予曰。椒山自有膽。何必蝻蛇哉。止飲酒一

杯。彼又云。莫怕。予曰。豈有怕打楊椒山者。遂談笑赴

堂。受打未打之先。心已有定主。打之時。兩眼觀心。舌

拄上齧牙齒。緊對意不散。亂口不呻吟。蓋一呼叫則

氣亂。氣亂則血入心。必死。方打四五棍時。心受疼不

繼○見○先○生○真○力○量○

此○等○主○張○非○有○道○不○能○

過若忙亂者遂一覺照自思此心亂矣於是提起念

在此

頭視已身若外物者打至五六十忽覺若有人以衣

覆之者遂不覺甚痛謂之神助或其然歟打畢校尉

卽推入包袱擡出至門外家人以門扇擡之至法司

門口巡風官乃同年江西李天榮革去門扇藥餌諸

物一皆阻住予兩腿腫粗相摩若一不能前後腫硬

若木不能屈伸止手扶兩人用力努掙足不履地而

行入獄提牢則奸黨浙江劉檣也舊規官繫獄則有

官監檣乃下予於民監自入監後棒瘡旣上衝又爲

強走所努動方依牆而立忽兩耳響一聲不能聽兩

目黑暗不能見物予心自覺曰此乃死矣遂昏不省

人事身不覺倒地若睡熟然至三更始甦噫忽然而

死忽然而甦如睡又醒則人之生死亦甚易事也兩

腿腫脹衝心不能忍無藥可用又無刀針可刺正無

計問司獄陝西涇陽劉時守送茶一鍾予飲之心稍

定因茶思起人以瓦尖打寒事遂將鍾打碎取瓦之

尖銳者將竹筴破開夾瓦尖在內用線拴緊以尖放

瘡上用鼓捶打筴入肉五六分爲此者獄吏山東黃

從容矣

即此時死亦可謂

主死機闕從此勘破

讀之猶覺股栗

縣孫儒犯人浮梁何成也遂血出兩腿打有五六  
 孔流血初噴丈餘後則順腿流於地一時約十數盃  
 自出血後心稍清矣予恐睡倒則血必奔心自打後  
 出衛入刑部三日石人夜挺身端坐頭不至地以故不能  
 傷生云藥餌既不可得予潛使人在監買黃蠟香油  
 自熬膏藥貼之至二十六日則右腿已潰將皮割去  
 內肉流於地如稀糊止顯一坑長五寸濶三寸深一  
 寸五分手摩至骨時有京師秀才侯冕送藥敷之又  
 內侍趙用送藥服之劉檟禁繫甚嚴內外不通外面

傳已死四日矣。張弘齋差人入視，託獄吏盧世經，捐出牛骨簪一根，家人始知予不死。方敕下刑部擬

罪時，山東司郎中同年史觀吾

名朝賓，福建人。

欲從輕議而

尙書何鰲嵩之門生侍郎王學益世蕃兒女親家聽嵩主使，遂擬此罪。命下史欲有言，學益怒目視之。

無何，史降官矣。刑帖到司獄司，卽下老監，日夜籠梏，與衆囚爲伍。死屍在側，備極苦楚。二月初七八，右腿已長肉，左腿皮未割去，遂潰腫如小甕，毒氣上攻，口舌生瘡，不能飲食，勢已危矣。夜夢三金衣人領一青

○前○以○衣○覆○今○以○藥○療○



○忠○義○所○感○乃○爾○  
衣童子小盒內捧藥一丸以湯灌入覺則口舌不痛

可喫飲食又想起以磁瓦尖打之連數十下不見膿

血予曰此瘡潰已深非瓦尖所能到也遂以小刀先

用針線將腿皮穿透提起將刀刺入約一寸深周圍

割一孔如錢大膿血流出方予割肉時獄卒持燈手

戰至將墜地曰關公割肉療毒猶藉於人不似老爹

自割者當時約四五盃其內毒始脫矣日以布數十

片拭膿每布約二尺每日輪用可濕兩次膿可流二

三盃自初瘡至愈膿豈止六七十盃而已哉十六日

此時尤慘前云視己身如外物今益信矣

左腿垂筋二條如簪粗一頭已斷一頭尚在腿上予

讀之齒際

亦割之二十八日提牢官丘洲峯

名秉文福建人

乃獨仗公

義遷予於監東獄卒小房幸脫籠梏九月朝審予帶

長板扭錄出門觀者如堵至擁塞不能行入朝坐西

廊下內臣圍予觀者以千數有餽飲食者有送銀錢

者予俱卻不受內臣益鼓舞稱贊而罵嚴嵩老賊者

○當○時○執○政○倒○不○若○此○輩○

以萬數審時為首執筆者則吏部左侍郎王用賓也

眾判以比律情真奉請題奉西欽依著照舊監候處

洪

甲寅年三十九歲夏獄疫大作日與病者爲伍遂染  
瘟疾時刑部醫官劉廷瑞江西人進予發汗藥二服  
下藥二服予病中欠主張俱依彼服遂昏不省人事  
提牢官又江西奸黨曹天祐此官乃人家奴僕讀書  
中進士後方出姓無耻小人又斷絕醫藥如初獄然  
人皆以予必死五月提牢官乃浙江應養虛諱明德海寧人  
親檢湯藥視飲食十四日方出汗噫若使命不在死  
之久矣養虛說堂出予老監遷於外庫居處則甚便  
方養虛遷予時庸軟輩皆惕以重禍彼乃毅然爲之

不○可○無○此○一○人○故○先○生○嘗○有○言○曰○藏○予○血○三○年○而○

○碧○者○卽○地○下○必○有○以○報○應○生○

○又○申○數○語○以○明○感○

其○人○品○可○知○矣○九○月○朝○審○福○建○李○默○為○首○仍○判○以○情

真題奉

欽依又如前監候是冬巡撫艾居麓

名希淳陝

西米脂

管馬御史徐紳

南直隸建德縣人

知府趙忻

陝西盩厔縣人

共處置銀二百兩為予買地三頃

難得

乙卯年四十歲夏四月用媒約與繼津結親九月朝

審復議情真奏請或云張經任南直隸總督因倭寇

失事皇上先已告廟打科官必欲殺之經用厚賄

買免嵩費銀二萬及諸奸黨欲為彼出脫者判與予

同奏本請意以予乃皇上所繫念之人或得混免

或云嵩知經爲○此○本○意○也○皇上所必殺欲因以及子也奏上

皇上一見經名旨意遂云依律處決予知之付命

而已平昔予同志輩若王繼津徐望湖王鳳洲楊朋

石楊毅齋龔全山孫聯泉應養虛李鶴峯諸公爲予

奔走救解鳳洲爲余畫策以司業王材者渠門生也○鳳○洲○以○此○賈○大○禍○先○生○有○友○矣○

勸渠相救王果慨然往賊嵩初亦迫公論欲上疏見○恨○當○時○無○直○爲○挺○身○救○者○

救猶豫不果方卜於神適賊心腹大理少卿胡植太

僕少卿鄢懋卿在旁曰此何用卜繼盛負海內重望

徐階得意門生階一日當國繼盛出而佐之我輩無

遺類矣。所謂養虎自遺患也。賊子世蕃率諸孫復跪而泣曰：爺如救楊某，則舉家皆為繼盛魚肉矣。賊即變色，乃詭言卜不吉，王材爭之曰：繼盛之死不足惜也。關係國家甚大，老先生還當為天下後世慮。然竟不可回報。至予予付之一笑。夫子死，豈係嵩毋論植懋卿輩。天不過欲不朽此輩惡名耳。故將半生逐年行事直書付男應尾，應箕收藏，以為後日墓誌之用。凡此皆據榭牀書也。

凡此皆難辨其書也

行傳前書付民熟氣熟食水蕪以爲終日墓滿之用

懸與董天不歐將不辨此輩惡奇且姑孫半至怒我

不甲回轉至至不付之一笑夫于玉豈得滿其飾辭

也爾於爾案甚大乎求主致當爲天下對其獄終竟

變可也蓋言小不吉王林律之曰事盡之民不取辭

而直曰益取疑謝某似學其書其難無肉矣細明

或終矣得爾達我自數患以觀于甘蕃率爾將食

蘇人赴義前一夕遺屬二首

愚夫諭賢妻張貞古人云死有重於泰山有輕於鴻  
毛蓋當死而死則死比泰山尤重不當死而死則死  
無益於事比鴻毛尤輕死生之際不可不揆之於道  
也。我。一。時。間。死。在。你。前。頭。你。是。一。箇。激。烈。麤。暴。的。性  
子。只。怕。你。不。曉。得。死。比。鴻。毛。尤。輕。的。道。理。我。心。甚。憂  
故。將。這。話。勸。你。婦。人。家。有。夫。死。同。死。者。蓋。以。夫。主。無  
兒。女。可。守。活。著。無。用。故。隨。夫。亦。死。這。纔。謂。之。當。死。而  
死。死。有。重。於。泰。山。讒。謂。之。貞。節。若。夫。主。雖。死。尚。有。幼



女孤兒無人收養則婦人一身乃夫主宗祀命脈一

生事業所係於此若死則棄夫主之宗祀隳夫主之

事業負夫主之重托貽夫主身後無窮之慮則死不

但輕於鴻毛且為眾人之唾罵便是不知道理的婦

人我打一百四十棍不死是天保佑我那時不死如

今豈有死的道理萬一要死也是重於泰山了所惜

者只是兩箇兒子尚幼讀書俱有進益將來都成的

只怕悞了他一箇女兒尚未出嫁無人教導看管怕

惹人嗤笑我就死了留的你在教導我的兒女成人

主意在此

惟恐其死故言之詳

故作寬慰語

長大各自成家立計就合我活著的一般我在九泉  
之下也放心也歡喜也知感你如今咱一家兒無有  
我也罷了無有你一時成不的便人亡家破稱了人  
家的願惹人家的笑你是一箇最聰明知道理的何  
須我說千萬只是要你戒激烈的性子以我的兒女  
爲重方可妾名二貞年幼又無兒女我死後就著他嫁人  
衣服首飾都打發他我在監三年他發心喫齋誦經  
是他報我的恩了不可著他在家守寡咱哥雖無道  
理也無別意不過只是要便宜心腸凡事讓些與

他便宜他就歡喜了不可與他爭競二姐四姐要你  
常看顧他五姐六姐庶母死後也要親近他應民自  
幼養活他一場也須分與他些地土其餘家事諒你  
能善處我又說在後面故不須多言

父椒山諭應尾應箕兩兒

此一段立志

人須要立志初時立志爲

君子後來多有變爲小人的若初時不先立下一箇

○次○第○原○以○立○志○爲○第○一○工○夫○

定志則中無定向便無所不爲便爲天下之小人衆

人皆賤惡你你發憤立志要做箇君子則不拘做官  
不做官人人都敬重你故我要你第一先立起志氣

來○心○為○人○一○身○之○主○如○樹○之○根○如○果○之○蒂○最○不○可○先○

壞○了○心○心○裏○若○是○存○天○理○存○公○道○則○行○出○來○便○都○是○

好○事○便○是○君○子○這○邊○的○人○心○裏○若○存○的○是○人○欲○是○私○

意○雖○欲○行○好○事○也○有○始○無○終○雖○欲○外○面○做○好○人○也○被○

人○看○破○你○如○根○衰○則○樹○枯○蒂○壞○則○果○落○故○我○要○你○休○

把○心○壞○了○心○以○思○為○職○或○獨○坐○時○或○夜○深○時○念○頭○一○

起○則○自○思○曰○這○是○好○念○是○惡○念○若○是○好○念○便○擴○充○起○

來○必○見○之○行○若○是○惡○念○便○禁○止○勿○思○方○行○一○事○則○思○

之○以○為○此○事○合○天○理○不○合○天○理○若○是○合○天○理○便○行○若○

是不合天理便止而勿行不可爲分毫違心害理之事則上天必保護你鬼神必加佑你否則天地鬼神必不容你你讀書若中舉中進士思我之苦不做官也是若是做官必須正直忠厚赤心隨分報國固不可效我之狂愚亦不可因我爲忠受禍遂改心易行懈了爲善之志惹人父賢子不肖之誚我若不在你

此一段孝

於親

母是箇最正直不偏心的人你兩箇要孝順他凡事依他不可說你母向那箇兒子不向那箇兒子向那箇媳婦不向那箇媳婦要著他生一些兒氣便是不

孝不但天誅你我在九泉之下也擺佈你你此一物兩箇是

一母同胞的兄弟當和好到老不可各積私財致起

爭端不可因言語差錯小事差池便面紅面赤應箕

性暴些應尾自幼曉得他性兒的看我面皮若有些此是

衝撞擔待他罷應箕敬你哥哥要十分小心合敬我此後弟待九

一般的敬纔是若你哥計較你些兒你便自家跪拜

與他陪禮他若十分惱不解你便委曲計校至此及你哥相好的

朋友勸他不可他惱了委曲計校至此你就不讓他你大伯這樣無

情的擺佈我我還敬他是你眼見的你待你哥要學

此段和於如婬

我纔好應尾媳婦是儒家女應箕媳婦是官家女此

最難處應尾要教導你媳婦愛弟妻如親妹不可因

他是官宦人家女便氣不過生猜忌之心應箕要教

導你媳婦敬嫂嫂如親姐衣服首飾休穿戴十分好

之○所○以○為○難○的○你○嫂○嫂○見○了○口○雖○不○言○心○裏○便○有○幾○分○不○耐○煩○嫌

隙○自○此○生○矣○四○季○衣○服○每○遇○出○入○如○婬○兩○箇○是○一○樣

的○兄○弟○兩○箇○也○是○一○樣○的○每○喫○飯○你○兩○箇○同○你○母○一

處○喫○兩○箇○媳○婦○一○處○喫○不○可○各○人○合○各○人○媳○婦○自○己

房○裏○喫○久○則○就○生○惡○了○你○兩○箇○不○拘○有○天○來○大○惱○要

此一段戒其爭訟

私下請衆親戚講和。萬古名言切記不可告之於官。若是一人

先告後告者把這手卷送至於官先告者卽是不孝。

官府必重治他。及你兩箇好友與我長些志氣再

預告問官老先生若見此卷幸諒我苦情教我二子

再三勸誘使爭而復和則我九泉之下必有啣結之

報。你堂兄燕雄燕豪燕傑燕賢都是知好歹的人。雖

在我身上冷淡却不干他事。俗語云好時是他人惡

時是家人。你兩箇要敬他讓他祖產分有未均處他

若是愛便宜也讓他罷。切記休要爭競自有旁人話



短長也。你兩箇年幼，恐油滑人見了，便要哄誘你。或

此段擇友

請你喫飯，或誘你賭博，或以心愛之物送你，或以美  
色誘你，一入他圈套，便喫他虧，不惟蕩盡家業，且弄  
你成不的人。若是有這樣人哄你，便想我的話來識  
破他，合你好是不好的意思，便遠了他。揀著老成忠  
厚肯讀書肯學好的人，你就與他肝膽相交，語言必  
信。逐日與他相處，你自然成箇好人。不入下流也。讀  
書見一件好事，則便思量我將來必定要行見一件  
此段言讀書要學聖賢  
不好的事，則便思量我將來必定要戒。見一箇好人

○與○姚○江○學○問○暗○合○

則思量我將來必要合他一般見一箇不好的人則  
思量我將來切休要學他則心地自然光明正大行  
事自然不會苟且便爲天下第一等人矣此一段  
是要多記多作四書本經記文一千篇讀論一百篇

言舉業從師親友

策一百問表五十道判語八十條有餘功則讀五經

白文好古文讀一百篇每日作文一篇每月作論三

篇策二問切記不可一日無師傅無師傅則無嚴憚

無稽考雖十分用功終是疎散以自在故也又必須

擇好師如一師不愜意卽辭了另尋不可因循遷延

致。誤。學。業。又。必。擇。好。朋。友。日。日。會。講。切。磋。則。舉。業。不。患。其。不。成。矣。居。家。之。要。第。一。要。內。外。界。限。嚴。謹。女。子

此一段言作家之要道

十歲以上不可使出中門男子十歲以上不可使入中門外面婦人雖至親不可使其常來行走恐說談是非致一家不和又防其為姦盜之媒也只照依我行便是院牆要極高上面必以棘針緣的周密少有缺壞務要追究來歷如夏間霖雨院牆倒塌必即時修起如雨天不便亦即時加上寨籬不可遷延日月庶止姦盜之原酒肉麪果油鹽醬菜必總收一庫房

周密

五穀糧食必總收一倉房當家之人掌其鎖鑰家人

絕好家約

不得偷盜衣服要朴素房屋休高大飲食使用要儉  
約休要見人家穿好衣服便要做住好房屋便要蓋  
使好家活便要買此致窮之道也若用度少有不足  
便算計可費多少卽賣田產補完切記不可揭債若  
揭債則日日行利累的債深窮的便快戒之戒之田  
地四頃有餘穀你兩箇種了不可貪心見好田土又  
買蓋地多則門必高糧差必多恐至負累受縣官之  
氣也與人相處之道第一要謙下誠實同幹事則勿

此一段言處世之道

避勞苦同飲食則勿貪甘美同行走則勿擇好路同

睡寢則勿占牀蓆寧讓人勿使人讓先○生○一○生○真○實○學○力○于○此○我寧容人勿使

人容我寧喫人虧勿使人喫我虧寧受人氣勿使人

受我氣人有恩於我則終身不忘人有怨於我則即

時丟過見人之善則對人稱揚不已聞人之過則絕

口不對人言人有向你說某人感你之恩則云他有

恩於我不○嫌○過○分○我無恩於他則感恩者聞之其感益深有人

向你說某人惱你謗你則云他與我平日最相好豈

有惱我謗我之理則惱我謗我者聞之其怨即解人

此○即○止○謗○之○法○

之勝似你則敬重之不可有傲忌之心人之不如你  
則謙待之不可有輕賤之意又與人相交久而益密  
則行之邦家可無怨矣我此一段言施惠自親始一母同胞見在者四人你

大伯二姑四姑及我大伯有四箇好子且家道富實

不必你憂你二姑四姑俱貧窮要你時常看顧他你

敬他合敬我一般至於你五姑六姑亦不可視之如

路人也戶族中人有饑寒者不能葬者不能嫁娶者

要你量力周濟不可忘一本之念漠然不關於心我

們係詩禮士夫之家冠婚喪祭必照家禮行你若不

此一段言禮不可廢

知當問之於人不可隨俗苟且庶子孫有所觀法你

姐此一段言待姐妹是你同胞的人他日後若富貴便罷若是窮你兩

箇要老實供給照顧他你娘要與他東西你兩箇休

要違阻若是有些違阻不但失兄弟之情且使你娘

生氣又為不友又為不孝記之記之楊應民是我自

幼撫養他成人你日後與他邨裏莊窠一所墳左近

地與他五十畝他若公道便與他若有分毫私心私

積錢財房子地土都休要與他麩鉞他若守分到日

後亦與他地二十畝邨宅一小所若是生事心裏要

下當恩威並濟

此一段言御

回去你就合你兩箇丈人商議告著他原是四兩銀

子買的他放債一年銀一兩得利六錢想越銀素不按著年間他

要不可饒他恐怕小厮們照樣兒行你就難管福壽長進故作此語儻伏非真欲知是也

兒甲首兒楊愛兒都是監中伏侍我的人日後都與

他地二十畝房一小所以上各人地都與他墳左近

的著他看守墳墓許他種不許他賣覆奏本已上恐

本下急倉卒之間燈下寫此殊欠倫序然居家做人慘語不惟多讀

之道盡在是矣拏去你娘看後做一箇布袋裝盛放周密如此聖賢用心人

在我靈前桌上每月初一十五合家大小靈前拜祭一本以為為家法



了。把。這。手。卷。從。頭。至。尾。念。一。遍。合。家。聽。著。雖。有。緊。事。  
也。休。廢。了。

嘉靖三十四年十月二十六日椒山子書於福堂付

應尾應箕兩兒藏好蘇不精此賣與本与士流

謝賦二十烟氣之小祖以生谷人以精與此賦至我

京甲首良恭愛良禧長望中舟計共州人日發將與

莫不可論此狀此小祖賦潮舞良許此煉鍊首願道

元買出此賦賣一書姓一兩得味六趁姓善非開此

日夫此諫命心兩箇大人商諫書善此賦長四兩賦